蕉

軒

隨

錄

一年	磁牧齋	柳枝朝雲詩		定時羅	逍遥津	罔寬	三品小	龍樹寺	蕉軒隨錄卷	
17/2011月級		雲詩					三品小京堂四品少卿		隨 嫁卷二目錄	

|--|

高汗 宣 聚 一 一 一 一 三 臣	和相	書周文忠公遺事	啖蔗軒壽輓聯	凌魞臺詩	八义蟲	古伽壺尊	家衣江詞	僧尼匹偶記

湛若水鉛山堂集序	奮伐荆楚	晉中軍風于澤	梅心驛古刹	西峯寺	武松	先友	記家齊年譜語	幸不幸偶不偶	了

三千音楽・ラグ・日路			吳侍郎奏疏	烈風雷雨弗迷	狩于河陽
三 三					

お子母を 蕉斯隨綠卷一 **粘閣外盧花壬戌夏間偕沈寳臣比部薛淮生** 京師宣武門 詩所謂野淵青三面天空碧四垂也怨文端公金列 **骅云何處菩提莫錯認庭前槐樹無邊法藏且** 龍樹寺 重加修葺 .外龍爪 、槐古刹為文人遊讌之地道光初 復構小樓日蘇葭閣飽覺生先生 公讌先師李文恪 溶師 子嚴 一侍御黃

麗脫 謹錄識之 淮南 乾隆 尚於此酒罷公携予散步親指 想車段屋 問奉有 用筆 [四品少卿用嘉道以來并無小 罔寬 南遊問質野北息沈墨鄉寬虛當切音即凡物 「猴穹 飛舞此聯此書此人可稱 小京堂四品少卿 // 卷二 諭肯黃登賢著以三 | 協楹帖謂子 が京堂少卿之 一品小京堂用託隆 一絕矣偶憶公語 曰措 詞

泛梗且 **隊旌旗彈指話渰桑只安排水國逍遥已是鯤池莊叟** 余兄子箴撰聨云地臨飛騎橋邊問當年 處今歸王有泉丈世蔣作別聖焉曾繪逍遥津圖徵詩 惠开畜踩 在合肥城東三 定時羅 到聽灣時節看此日 逍遥津 **三領畧畫圖結構儼然鹿柴右丞居** 一國吳志 ****** 公本11 一緻本質 孫權爲魏張遼所襲乘馬越 1對月題詩迎風 把酒散懷忘 船筝笛萬

以汪程 安香墨其後賜翰林皆廷珪墨雙脊龍樣品尤佳墨譜 **永年** 著名並汪程之名亦不知之矣 イヨー人 珪父子以歙地多松故留此造墨至宋時以大龍鳳墨 斤充貢仁宗宴廷臣於羣玉殿以李超墨賜之曰新 唐時李超及子廷珪自易州遷南後王嘗用其墨廷 **歙墨** 一者拈來輕嗅來聲磨來清今失其傳近代製墨 一家製者四方未有比倫又羅盤稱歙縣爲最亦 一姓所造爲精近則日晷羅盤專以方秀水家 ラグニ

內廷取墨丁 意嘉其侍兒王朝雲也梁山舟學十 東坡有不學楊枝別樂天句蓋反香山 詔給物料令製十匣而歙墨之名益著 蘇有知當亦相顧失笑 不學朝雲伴老坡則直用蘇詩而又反坡公之 三十二 四五人 曹索功紫玉光爲海內所尚自乾隆六年 《程君房方於會爲上 **柳**枝朝雲詩 一於飲飲全趙本以績溪汪近聖應 **ラン・**1 一吳去塵次之今亦不可多 上調陶黛村娶妾話 [驚縣放柳枝之 7

路逃禪去原爲孟八郎大哉 進退都無據文章那有光真堪覆酒變屢見詠香襲求 樂終爲有文無行之人恭讀 純皇帝題謙益初學集詩曰平生談節義兩姓事君王 錢牧齋宗伯 聖朝後思欲掌樞要專史席| 蕉剛隨氣 三是以鑒小人之肺腑矣 竣牧齋

三下三天 鈍翁先生 改結以進。此其所存原本也助黃中數字此其所存原本也 刺兩指血寫至疏葢將下改是時感 **成 收** 獨歎忠介涖官清慎家居 跋 貼黃一 **1**/12... 小有改竄較初作更極 四十 **晚**竟先以示同郷 帝 改 元 子 佩 籽 訟 書貼黄具坿載 四字周子 换漆 **字佩自敘及諸公跋** 文字 碧血绿後 實作 姚文毅公公 軒朝原跋 Щ 子战周 風 雨

作畫錦堂 東坡所 一句中添 今同 一記脫稿數日忽走价另易稿。 、所謂三易稿 轍字派 兩而字魏公歎貸以 因附識? "者爲之一 糞穢也讒 句更改惟於出 而成者昔歐陽文忠爲韓魏公 慨康熙乙卯春正 爲與諸小 可見前輩作文不肯 罔極交亂四 位至將相當貴歸故鄉 為文氣始足文 諸政 示魏公公閱 國此 彼 一月長洲 人倪 **始**版本 則 放 皆

過十之八九耳區錄之以俟搜輯 焦肝遀禒 佚過多今四方詩家選本頗有流傳而未見於家藏稿 鄧元昭太史 史之子,跋其集後云先公著作甚多或隨手棄置 信職然椒盤 曾改遮莫春風掃翠烟今閱林屋集中並無此詩太 亦有前會刊刻而稿中不載者據 編織佛香燈歸戶業板與鐺飰聽臚傅南山静 鄧太史詩 旭 十日壽杯前補天卻說煩媧手擲地難 不修士 有毒胡節母七十詩 首云海上 五 一麻姑 散

皆誤作巾按說文中木初生也象 應作屮字若書作屮亦誤矣 7月115 多用此爲艸字齊有輔國錄事参軍王山云云則屮字 文或以爲艸字讀若徹凡屮之屬皆從屮徐氏鍇 頭陀寺碑文爲王簡棲著簡棲名屮瑯邪臨沂人今 引而上 官廳 行音進艸始脫甲未有歧根今班固漢書 出形有枝莖也古

報捐縣丞分發江海試用當作坐衙詩尚記其一句 講出宁雲南有平生跋扈飛楊氣消盡官廳一 星斗横天冷眼看語頗傲兀背王夢樓先生由翰林侍 過點者藏姦此一 **華閏修書紳要語云謙美德也過謙者多詐黙懿行也 焦** 肝 **逅** 錄 句讀之更憮然矣 - 亥秋蓮嘯菴學博來書並惠寄其五世祖澤山先生 識點 **吕泉山莊詩** 本後十 一語非真有閱歴者不能道破

烟波江上客五更風雨夢中家洪源魯齋中小飲云座 增活色枯澗走清泉七言如送漢儒弟之蘇州云 凝吕泉山莊遺草 坐云飛塵難到野人家暮靄横山曲曲遮萧寺晚鐘鳴 五山連雲影外人坐雨聲中元日云又添新歳月未改 | 清陰先世樹案頭緗帙古人書送胡吟菊囘里云行 **鬆眉幽居云移竹愁春蛊栽花趁雨餘喜雨云新** 似月歸山遠别夢如雲逐水流其他絕句有山窗瞭 |梅花叉翻疑世上 一卷僅七 十餘首五言如小樓 功名事不及田家 櫂 丽

乾隆初元恭奉 酒 或 随 因 諭 以網戸 水而 豆食 情 鮹魚 杯 而改為折價向 皆巡拔 漁 改業或移徙他上 勝於河 江 聽 μJ 載 **豚識者恒以子為知言也向有魚頁** 誦 網 帶有貢獻鮹魚之 **菊江飽餐此味每謂鮹魚之** 戸徴收充地方公用乃 《為候最愛鱗甲艬 例 加東晋借 七 康熙年 一種年 挂 旣 停 網

蘇則 吳苑詹湘亭明 見 聖 詩文詞曲靡不 體恤民情 詹湘亭秋 隐 致沿江捕魚之 到 府應甲 膾 間曲 無微 一名 泰/ 精妙其鄉試時作中秋 解乃 人代受追呼之 一愛惜民力之至意 **个新** 水膨 累朕思當年 閣中 些

迢 ||高悄無聲酸風滿號碧油帘不捲紅蠟燭停燒銀漢迢 錯華燈遊龍夾道汲新泉渴馬騰槽號官兒意氣消號 天碧海勞相照誰喧笑隔牆老卒聲聲叫就願猛聽得 技策題五道塗鴉滿卷未曾交珠光劍氣已全消青 兒語言妙檢筠籃冷炙殘膏我輩三年共此符 空隔着土 風簷棘院人 LL 關醉飽付 植 億秋 置獨坐深背瓜果中庭燭爐香 氣濛濛蚁光裊裊簾影蕭蕭盼雲階蘭房信 泥牆望不到 八通望斷紅綃夢斷監橋只 7/ 聽駐 馬水板三條覆鹿藏蕉何 Л 博

析 爭 一 公 堂 泛 尊綠澆粲心花 車 為瓢莫須有月 學翹被罡風 腔 刻是今筲鼠 三静聽鼓. 何須笑 跌 銷 燈 了脚 施早 蓬 吹 **添路迷** 表點首 明遠 吹掉都散做花枝壓帽雕碎熱 竹西 4 提笑 金鑾草 斧親操想當然元 |歌吹干家閒 紅 照脫 的譜霓裳擲杖成 何曾惱君不見 髙 酒沾 多 美 盡背魔舊套若 輪袍走了 俺 同 想 /霜空搗 盼 那路山 康 世 調囚 橋駕星 瓊 塘 樓 基價 愁腸 曹 幣 種 瑶 花 宥 是 槎 素 種 市

長十一一一一一 奇突哉 曹能始先生學企相去 名相同 嘉慶癸四拔貢已夘舉人 7 44 I 甲子無不符合舅氏陳小 **莱唱到**暁 人道光王

有車頃全 振齋先生記僧尼匹偶之事此吾鄉近日 醒失兄所在徧兒無踪由是孤孑一 乃相與偕逃信步行去住無定所 (妻相繼歿時善八) 咸與其兄俱幼稚無 依不能自 不全錄之其文曰張善桐城人 沒無以爲生文田挈妻子 善居次兄某長善 山窟中止宿見虎狼足跡満地則 僧尼匹偶記 一歲善四歲時桐城被水佃 丁赴來安懇種山地數年後 身往往誤 日坐石磴假寐及

湯頻灌之牛日方甦僧詢明來歷知其幼弱無家憐之 官厅資象 僧挈其徒移住城中龍興寺命榮發從師讀書識字爲 一儀閣老僧智慧樂善好施有餘蓄輒賙貧乏是日 開門瞥見呼之不應撫之布布 影為徒孫圓來之徒命名榮發思養有加焉逾 测送深道有木棒横 八歲兒徒歩遠行膽怯腹枵困憊 一日晚行至滁州東廂廟門首卧地不起廟爲 老二 藉得探水以渡則於 息亟抱入廟以畫

有車 讀書聲異之詢知爲寺中小沙彌晚歸自塾而温習舊 教羣弟子不以其爲僧異也嵗壬寅張善年十三嵗時 授室適余友合肥王君育泉言其中表壽州孫培元學 博有養女及笄願為執柯遂酌給財産於已酉冬月 以爲余義子即眥髮携之歸延師課讀於今八載時當 余奉檄王滁假館於龍興寺之慧照堂每夜輒聞僧舍 小講文理明順僧舍內外粘壁大字每處皆其所書頗 有筆力众惜其以有造之質而淪於緇流也商諸智慧 者亟召之來試以對句應聲而對語甚工 K 一出題命作

有葉女之事培元亦世居霄城夙敦族誼聞之惻然出 馬軒蹬錄 ·贖女歸恩養於家諧髮待字數年矣王君·育泉為之 配遂以歸張此不奇於兩家僧尼之還俗而奇於王 遭際則又有可逃者孫女父某鄕居務農女八歳 [適爲撮合也因書其事以記之北平史積新書於 放寓子按張善後改名允慶人甚醇謹 孫氏之門 北逕族其大家巨室俱在城內不 母虐遇之至不能相容棄諸尼巷削髮爲尼孫 顧事以巧而見奇 《卷二 無獨而有偶彼 知鄉間遠

眓 宦 肥 網 媒傳奇一 明月 江高港 兄本名諸生 艇 影催詩與狂吟喚起蛟龍聽又欽 弟 兩岸蕭蕭吹更冷蘆花亂拂逢街静忽見 斑 消離情 泊舟晚眺調寄漁家傲云 西風緊白望茫茫波萬頃誰最穩 折善得此可以傳矣 貝近 一詩善畫尤 楊 **細共爐烟** 茂オ 裊窺妝鏡調鉛 長小令官 此記演成 頭鳳無題 記其數開 街 老漁撒 图 鸿

歸 風 來隔着 吹來滿 興云分明 可嗣響 聊甚閒時悶花 古 銅壺尊 **粜風緊冷** 寒江相待影徘 買歸其形質弇 眼是蘆花怕 《俗二 冷冷 水還家路欲渡未能渡青山怪 朝 何日試猜芳信近近近 似蘆花踪跡繞 **和離情脈脈** 早音書香知他別緒 八質庫年 無人 **八未贖先大** 土 焼 又被 西

| 度之高||二尺四寸橢圆口 鈅 建康路儒學作大成殿示賓用十六字腹下 頸圍三尺一 偏右識云大成殿祭器六百八十 **園環園** 四寸六分足圍五尺 | 酉建康路儒學皆篆文腹下末行剝蝕莫辨葢即 足跗三處皆雷紋盤變飾腹中識云至大已酉七 İ **尊也道光王午鳳陽教授倪公棋重修府學** ŀ 4 尺九寸二分合今制重一百五十斤耳際腹 一分腹圍六尺 一寸五分獸耳逕五寸三分有稜 ||唇厚五分圍|||尺四寸五分 五寸五分腹下足 件至大二年啟 圍 偏左 在

伊犁有! 真 陽府學我 朝乾隆丙子移學東城竟而失去數十年 四年而此器相傳實係明初中都太學祭器後改爲鳳 纹遂獻之 、紙收裹送 段美譚也說甚詳 有咸豐癸丑與販攻陷 空此器恐亦遭 义蟲 义蟲如土 **交廟考至大己酉至道光壬午已五百** 《俗 入廟中 一蜘蛛長脚善走嚙人便死見之 **亦有呼為** 來復歸舊 主 鳳陽 地

唐許用晦渾凌歇臺詩宋祖凌歇樂未同三千歌舞佰 綠苔胡遯叟云宋一 卧 有之 於地任其行走以為祈福如見喇嘛然關門外到處 Ĭ 在常途黃山上地志孝武有凌敵臺置離宮本紀 凌歇臺詩 一潭雲盡暮山出巴蜀雪消春水來行殿有基荒 人關中絕不見矣見先世父伊江詩註 事今於黃山西望天門兩厓中 一武皆祖武帝稱高祖孝武稱世

詩且依俗解作湘潭字忽畧甚矣 字誤也姚情抱老人云用晦此詩大爲楊升菴詆斥賴 此等詩姑以何取可耳按漁詳誤以 遯翁伸其屈然江潭 先世父所撰壽挽聯極多不自收拾稿都散佚兹就 所記憶者敬録之 手子号天 句無章之 真有巴蜀直來之 吸蔗軒毒輓聯 つ病寝園二 1/ 1/211 1)勢東坚牛省是爲江酒舊作 一字亦凑用不的當百年句無着 聯與二 一句如何接下聯不免 江潭 聯為趙 • 師

登堂 須 最川 陽輓 人君家伯 漢室 抑 华 車 戒詩 競 置 通太 十祝 孫 誕凌 Æ **发**霖 口封 鯉庭燦桃李蘭 經 載 陳 頻添鶴筧 經 仲半 侢 拂 撘 脱言耄年 **顾公耄耋**至 正翁 端德 箴邸 拭 ア岩 ·弟蜀拳 帳春 彫 陽 期 前 九 兄按 領台 占太出 索淡珠樹挺生定 箴 摛 風旣 期順 深 萊 官 有 尚祝 側恩 秀菊 往 門風江 正三 | 只應空 烦台获 書朱 仲祝 春容 隆 忽郁 齊甫 有芳松徵 肃係 腈紹 向庭 軒泉太 我追 外 秩 九泚 軒 方先 感知音 更 伯生 隨 高閣 前 壽考願 **冷肥** 逢 廉守 皆八 一副官太 鵬 佳 延 先 飾 踮 朝代 生咏 遍 四翁 存時 風 盐溶

医官山 怨興逝 賤子 時 陲 都 属于污染 訶 頼 即 轉符居 司 馬 凋 水詩 東如 林 若 **令原能急難隻身歸** 那堪綵筆痛花飛餐官 蓝先 感查 間鳴鶴警看 司生 載 臨風 拜星 署志 帥江 集 Ŀ 感 巡信 经二 求在 t 涥 霜 魔遺 **赵**雄 推允 律有 **延帳暮天雲**機 生 氷四 百江 杜 一懷舊澤 年. Ш 首堂 淨域 老 投 有 帆) 吟 殘 空 從 誉 **愛容滿堂** 未忘 何堪 効弟 四庶 • 新 力 相 **侯** 佐 先 肥 用蔟 : 一向草 冰镇 州牧弟 볦 天 杖 进 生蔡 一堂留畫 邊來 去從 · 栩 億 逢 敝 星 Pa. 王 郁挽 詢 軍 咽 艮 甫朱 邊 六挽 徐挽 新 生嶼 秋

書先 離愎 邓藏 期 **運暮果然仙去樓空**公莊樅 關 庫 春 交遊 最富 風感 那 時 图 月長准驚鶴唳八 徧 届 堪 生 長 占 公意殷勤竟許蘿攀松 粉張仙莊 叢刊 南君 風 三年 者服 海壯心未 雨 來訴 感 三日 小飲憶花開萬卷樓中 省齋 秋 矣 **敞賢守能詩尚有篇** 哉内 整視 返 仙莊橋手同歸 追 艱凌 隨猶憶世 時权 服謙 下贖消魂 親情握 权挽 閱齋 廬 未太 迎 濢 補守 養江 年前統前 哀修獨遭 章留儛 齊握手介 廣文年前六狼薄州孫春 手每當鬚質 湖北 留 官 合 前 楚水歎我 卒知 湖 學 于镇 俠 水蓋 隘 京 遠 吳 奉 道 府 公 亦 十聖 草. 淚 臣

城復 長干粒浆 命公巡撫安徽 在 廣總督緣事鐫職再起為漕運總督旋以一 周敬修先 **天旬同歳日** 命公爲廣西巡撫屢立戰功年老乞歸癸丑春賊陷皖 叉宗御極被 書周文忠公遺事 諱 7 22.11 詔 天爵山東東阿縣 疏解職加兵 入朝適粤賊犯順 通通诗统 起家縣令府至湖

其遺事數 公本寒素性復廉介外之竭力摒擋始迓太夫 進 表疏食宫< 上歸 肾 恩 **薯夫** 生 一朝其服官政績應臚列 成疾薨於頹州途次 則信而有徵者敬識於此 不得諡文字公得之誠異數也公年登八 班銓選道光初授懷遠縣 人勤於紡織 贈付書子諡文忠勿庸內閣撰擬故事 **舍蕭然時當度**扇 日課針黹除奉太夫 同城各官眷向 ł 國史兹不具稣擇 知縣單車赴 公由嘉慶辛未 甘

應 孫干污失 **肯命大學士兩江制府蔣礪堂先生按治其事礪堂先** 旭 作宰時已基之矣孔時可茂, 而夫 過於嚴厲有忌公者奏多公苛政虐民得 品 服獻之夫人 公自懷遠調阜陽政通人和百廢並舉惟捕緝 公首以公事為問溶川公與公素未謀 曾祖餘齋公授業弟子也道經冶溪訪先叔 11:2:1 八始得質晟成禮焉公之 ŀ)清風亮節 七七 面重

成皇 子集鄉居無事日從事於農圃課時問雨見者多不 手書訂交通 大僚洛川公管至公家時太夫人佝健在登堂拜母 車 坐殺 以愛民如子疾惡如嘗對蔣 K 州牧守廬 深爲嘉許公之受 勿 四簋不以客禮待也嵗甲辰許抐齋丈奉 子娃視之每食太夫人居中溶川公與公 遊蘭譜焉 一檢路過公門以舊 州備兵鳳陽陳臬百皖公感溶川公 一卷一 公 罷官後卜宅於宿州之 知自此始也不數年遂 公乃援以入 更修晉謁之 儀 告 閱 知

非刑 쮓 布衣戴大氊笠正指揮牧童驅療返也將下與伏 紅于短条 葉城之罪公怒斥之終以兵單衡竭聞奎竟得末減 奎公正觀察吾郡無力堵禦連夜奔至定遠時公方 一由別逕趜歸矣 也於公事多所挑駁而公遂罷職遺戊未及出關 出抑療遂發興去甫數武遥見公立南畝中御 州大營諸公子素不滿於奎諸於公欲治奎 特派吳渝齋宮保審辦隨帶司員 127 詔賜選癸丑四月專戝弑擾鳳陽 公為兩湖總督又有素公擅 刑部即

1 株連 親督兵至駐扎 德 聚奎弓馬嫻孰有膂力鄉試幾得復失以父遐林 車 **聚奎實風慫成之初遐林與聚奎炎子並定遠** 報怨大都如此 K 可抱頭鼠寫申文達公前救公方部署隊伍 **] 韩報復旬** 獄中逃歸自 村莊擴掠殆盐知縣事師泰率鄉兵往捕聚 獄 一卷一個思達武斷鄉曲莫敢誰何皖城旣 7爐橋當是時省垣失守人心思亂 日之間有衆萬人焚焼驛號搶圾質 謂時事多製官如木偶起意揭竿 捻 匪陸退林之陸梁於吾鄉 聞 武 诏 也

甫 億萬生靈得以苟安者皆公力也公初出師時遣 豹率先領鄉舅百餘人行意氣洋洋以爲首功可立 点汗痘家 橋 不動聲色四面兜圍未十日而渠魁悉授首鳳頡 頭乞哀公怒不解適公愛將守備信長慶在側跪爲 、敵曜升膽落棄輿而奔鄕男陣亡者十餘人公開之 '怒立縛曜升至命即行正法為臨陣脫逃戒曜升 升卑鄙小人也無膽識而妄自夸大奉委後不俟 至左家店地方猝遇賊伏未整隊而賊蜂擁進衆寡 ţ 不能一 1 九九 路會剿 网

和 頰公意方釋呼輿夫解鼈升褪重責五十 李 韩 段 金 詎知公之 **文武員弁數十咸股慄橋舌不下曰真將軍씷師右** 政齋公相本文生員襲三 兹出隊遂無敢退却者或有以公擅責屬官為公咎 嘉慶四年 由吏部尚書協辦大學士五十 親政以罪 和 相 用心哉此事郷里至今稱之 ノタニ 賜自 [盡張船山太守問 晦有已 |等輕車都尉乾隆四十 一年授文華殿大 逐出時侍 名周

為誰乎平曰陛下即問决獄責廷尉問錢穀責治粟內 决獄幾何錢穀 然敬恐按漢書王陵傳文帝問右丞相周勃天 通 添箇尋常鬼可惜黃犀十五年蓋指和而作也 不能對上亦問左丞相陳平平曰各有三者上曰三者 月紀事詩云金穴銅山意惘然痴羊入肆尚流連九泉 雅以此一 一曰苟各有主者而君所主 主 臣 一字乃發語敬謝之辭猶三在上 歲出入幾何勃謝不知汗出洽背媒 ļ 臣在

逐 臣昔常從事於此族馬為州人牛潛子。於三臣旁注 然則吏妄也因問進思何能知其詳進思踧踖日 香車 句有疑誤四字牛豈未讀漢書耶 胡進思傳民有殺牛者吏按之引入所市內近千斤忠 臣也若今言八主晉灼曰主擊也臣服也言共擊服惶 文頴曰惶恐之辭也猶今言死罪也孟康曰主臣三臺 王顧進思曰牛大者肉幾何對曰不過三百斤王曰 一辭師古曰文晉二 N ノイニ 一說是也吳志伊在臣 十國春秋 三王臣

集肝造战——不长二 吾宗家桐城者 住語吾處橋 向常戚者此有幸不幸偶不偶也見無何集數語最 歴部曹7 詞館世父蓮舫公堂伯悔軒公弁以中書 者太平日八豐年穀賤必有枵腹敗云遇患難之事 **戈擾鼠凶荒之晟必有云錦食稻處安樂之地而不** 記紫齋年譜語 、樞直迨逍光甲辰伯兄子筬復在中書 一支自先伯曾祖餘齋公由中書成進 門十 七代官內閣中書舍八實爲本朝 王 歴知府

吾家最 內偽禮閱改官翰苑後先繼美可謂盛矣潛師於咸 題三 乃藝 オード 山有 可應京兆試列賢書濫竿被省子箴兄喜謂濬師 初 ·載少獲自爲年·諮極言中書 **湘**焉 出命入团 尚依明制此官皆生監當之無怪乎不爲 ß 利鳳池弟又以科第進身庶不負此清班耳 事句 也皆 無係 時雖 三存 名鳳閣增新譜文字牛 牛誠紀實云憶田蒙齋少震災古歡堂 及人 甲辰會試三題及者一節道光已亥 官爲 一緒風緣和 係以 八侮慢盐 爲鄉 未試 故 豐 試夘

康熙 第五六月十六日補授秘書院辦事中 **陀張鵬張鴻猷張衡類光敏申穟朱射斗李迴梁聯** 紀愈孫百蕃共十一 老苦選滯故闢此徑御史李棠上 「身堪膺是選 **丙閣中書員鉄准以準** 監

生

員

授

職

未

有

以

進

士

充

者

進

上 行值部議裁推官改知縣同輩忌從起考名 未五月奉 **丁考授鄕例內閣撰文辦事** |辨事是職也||初茫は 一疏空勿禁地少進 Į 圭 士素敬 八偕沈

恥 孰 書生薄命還同妄丞 及痴懷老 科詞 甚焉其輕侮 K 4 林 此行是吾辈分內事乃竟與中 同年詞林 İ 一種開 山右某中書張公鵬同典山東武事 漸 平相 **沿揖讓也** 相對位 坐 一歎息 相條 侮 狗監 我詞 哉 唇辄 7 同年 日集 馬曹銜亦 自 沝 不論官余吟云失路 爾中書貴賤別也 何 友寓 可成 "詩云短氣" 書下城為 不惡柳 無及矣時 正果 容後至 穟 嗟 河 唥

也已 爲嚴徐東馬者其名實相去果何如 列聖巡幸所臨特開 試之典凡列 八中順治辛丑進 、直薇省百數十年鼎甲台輔指 不经工 一等者 士歴任戸部侍郎此言當為康 一年以後 一語尤真 重 蒸先件 置塚 配

李蕭遠運 水滸金瓶梅二 謂蕭遠去孔子遠矣斷無稱述數百年前裔祖之友而 所指信然 **按金瓶梅載武松潘金蓮等事其說不** 口先友之理况聖人乎家北海先生亦言其意中暗有 子蕭遠 記云阿城古甄治陳王 武松 ľ 4 命 自以老子後老子與孔子為友故目 論昔吾先友嘗從事於斯矣 一書倡盜誨活有害於世道人心者不 ラター 一墓在焉今屬陽穀唯阿井 包倦翁嗣 話先友 兄先友或 讀 泂

爲武松所打死於景陽岡者也景陽岡在阿城東南一 民 管閱浮植散 即言其於小民口邊求利也據此似作者 五里土 、切齒呼之爲武皮匠言其剣割也又呼爲賣餅大 一賽東阿驢 西峯寺 潘 屬東阿故東阿有貢膠役而士 人又言明初有陽穀知縣武姓者甚貪虐有 金俱助夫婪索西門有慶大戸尤被其毒 、秋坪新語中 膠陽穀虎皮虎皮今藏陽穀庫 不能二 国 1 1 僡

辨隨於六月二 愈動 附近京畿似此煽惑人民於風化有關不可不速加查 **前往竟似城市殊堪詫異。思此處雖非京汎所轄但** 目號西峯老祖活佛能看香治病請求符藥者服之 一戒臺寺之北有西峯寺 「全錄之乾隆五十三年七月步軍統領綿 四分 ,觀聽俱稱靈驗京城以及四外之人男女紛紛 口過 一餘里此婦 一檢書麓所收乾隆問邸抄乃得悉此案顛 十日密派臣衙門 、法名了義俗家張李氏原係 一座內有戴髮修行之婦 前往查得西 寒声 即

東汗后孫 座計房六十餘間亦係新葢張李氏在兩廟往來居 名雙慶年二 每日午前給人看香治病該員前往會同宛平縣知縣 女留於廟中 義縣人 南又離此廟二里許石厰地方有靈應寺大廟 家媳因病常往彼處治病拜張李氏爲師隨將使 ,現住西峰寺殿宇四層計五十 -居住用銀一 一十四歲乃原任大學士三寶家使女係三 一人修工 一處係原任巡撫圖思德之子 一萬五千餘兩修西峯寺

認張李氏為師隨將使女施捨廟中并用銀二萬餘 皿什物閒有非該氏應有之物隨交宛平縣查封該 畫像等項其畫像五軸係張李氏出身源流均係修廟 播其名藉以獲利情節又查出金六十四錠重二百 、任五覔人繪畫看其情形似任五有通同授意傳 一千六百兩金鐲四隻重七兩零其餘云服器 座叉在該氏屋內搜查有符咒允藥經卷

絲修廟無甚劣跡近日以來自稱老祖活佛妄自 覽外 區查邪教感人有干嚴禁令張李氏本係鄕野愚 兵干着我 看香治病爲名施捨符藥煽惑人心從中獲利又合 子張明德置房開舖以肥囊橐甚至官員命婦在廟 並非僧尼乃來京佔踞大廟戴髮修行從前不過化 **來施捨葢廟銀至二三萬兩之多而現起之金已有** 氏供詞另行呈 兩銀有二千六百兩並該犯擅用黄綬 **以**绝+—— 臣 完官項反捨廟中其居心實不可解臣見聞旣確不敢 看病施拾金銀並各將使女捨入廟中均屬恣意妄為 **人恐生不法之事而各犯所供多有不實不盡之處必** 須徹底審明盡法究治至大學士三寶之媳自宜謹守 一該兩家現有應賠官項銀兩未交何以不行節儉先 漸銀庫員外即恒慶係圖思德之子縱令伊妻拜 門乃遠赴山廟往來住宿看病墮其術中甚至拜師 **整種種情節實出情理之外若不即加懲治積之** 124

諭肯遵 資雖將伊治罪所存銀兩亦 断 兵下位後 、臣會同" 交於地方官宛平縣知縣逐一 再張李氏煽惑 辨理 臣 第二 儲 衙門詳審定 **至張李氏之子** 凝之 便留於伊子 **金葢造大** 明德僧 伏候 永暖等 檢點應 應

駔 隆 明德次子張新德已故三 奏臣 周營嫁 時值隆冬風雪 車順 く用手按 **%**學 海本縣 民 提化證还 へ常拉鐵 該氏 タ 項出 因伊夫患痰迷病症聞有五子 針 練募化代人治病即請爲伊夫 張 孔治病之法李氏 扎病處病即痊愈該氏從 研 一子即廣月自己 謕 國輔 為妻生 張 至通 纫出 氏故後該氏 三子長 判曠野 家爲僧乾 Ł 與 地 張

欲修廟賺錢見所住與周營地方七 居民共相傳播多請該氏治病往往有驗該氏借此 即學李氏按摩針扎併假念經呪病即痊愈自此 所得治病錢交修理給伊 一年送 此結緣治病為答隨有 處附近村民 7 24111 月到戒臺寺受戒該氏亦來 子廣月居 不能逐一 延 聖小廟坍塌 住其所供延請 附

車時 病水 八年來京我 西峯寺依 **求治者該氏** 往視 膊燒點數處 病 無 見其堅 見福 恐無道法不足鋒動衆人 尼僧濟廣同住起意將該寺立 、代為剃髮心中 即今跪香假念經咒為之求 忍致 含痛忍受藉此募化以致 **芝潭柘**丰 不 **可受戒該氏** 願未經落髮走 人遂用油: 附 捻

摩假念咒語併代為祈禱病愈後鳥佳氏感激欲向伊 氣凝結病症聞該氏素能治病延至家中該氏爲之 允從當今管事家人 副拜伊為師該氏令其施捨金銀修整西峰寺鳥佳 爾字先後給修廟 施者益衆適值原任大學士三寶寡媳烏佳氏患 一十 一萬兩其 一價銀一 **八許滁招工** 與寬有病即痊愈者 萬七千兩叉置辦供器 **匠任五即** 任極盛

現任銀庫員外郎恒慶之妻宜特莫氏素患痰喘病 行收存現經起獲宜特莫氏又合使女玉喜跟隨服 女雙慶至寺跟隨跪香念佛鳥隹氏亦曾赴寺燒香 車 常修成後改名靈應寺該氏뗦在兩寺來往焚香 萬七千餘兩又添凑金子二百八十 ß 兩張李氏即將銀兩交給包子廣月修廟金 不等又聽從該氏修理石厰地方三教寺捨 **外曾至寺拈香此張李氏先後跪香治** 18 丁兩合計共銀

菩薩 隨起意與該氏商允因該民會向說稱少時夢 三十二 巨大 天亦未再給銀兩承攬修工之任五無從藉 泛在通 可於中 靈異希圖哄騙眾人自必爭施銀錢修造 州坐雪治病等事即 拜求治病各圖像五軸并揑稱 取利遂憑空點級畫成張李氏出身坐 也嗣因 7 轉世該寺舊 此畫出 圖像裝 身能人

飲奠 明德 龈 施 給伊 毎 典地 兩買 廣 月銀 餘 兩 所 至 畝 開 依該氏前 木舗 兩 兩 銀 座 逼 州

1

邪術及 冷共逐一 語子三元代 案質審俱各供認前情不諱臣等以張李氏 亚 閥均 係舊有 女膽 放在京畿重地號稱老祖活佛致男女紛紛到 大臣官員家屬爭捨財物至數萬之多平日必 傳徒授教不法等事雖現在起出 吐吐 何 不全僧人 供據供我素 一颗之 1/12/11/1 亦無違悖妄誕字樣但究係傳 〈齋誦之金剛觀音等經其,呪 切迫究 經卷詳加核 自 有 嚇

寫就施 藥時心心念佛 車関係 的原委畫出圖像並因我從前夢見觀音菩薩教 院未成工 學 的話並 混念幾何俗語編幾个 李氏針 藥時默念咒語 アギニ 扎按摩的 頭任五向我商量欲將我坐雪 **随意畫行我** 致 我是觀音轉世我 不料竟有靈驗致大家 佛號作為 本無法術 心專求觀音菩薩 見請我 聽從他畫成 治病 泛語呼兒 並 綻

致該氏有老祖活佛之號共相煽惑或該犯傳 及另有不法 像上丟稱身能 民攬修廟工 干点汉 施的意思 嚴審豈能替我隱瞞 別項不法的事如有別情現在雙慶們俱在案 **稱自己能**7 供我 一希圖獲利 10/2211 是我該死並 別情亦未可定復將任五嚴加宪詩 **風慾張李氏繪畫** 等語用 自屬常情乃輒爲該氏 神並妄稱該氏為菩薩轉 無別的 **等覆查任五** 圖 圭 パ装點

無邪 搭 爾除 法亦沒另有煽惑的事 臣等又以張李氏修寺布 假堡 加嚴詰又據張李氏供我與修廟宇實止三中堂 **鄉愚下賤竟敢擅用黃縀坐褥靠背尤爲狂妄不** ,那圖畫俱係我憑空裝點作成總是我該死 而足即兩家所捨銀兩亦尚不 竇 /敬信多捨銀錢我藉此 先二 **恒慶兩家外自必另有官員** 小止此數且 該 並

三十二 三五天 **圆**思德之子現有賠項不思及早完繳轉任聽妻子 濟廣等供俱相符原挐司員亦稱靠墊實係包藏在 用現有挐我官員可問求詳情質之雙慶玉喜並老尼 出驗無坐用痕迹並詰訊恒慶以該員係原任總 至黃靠背坐褥我因見各廟供佛皆用所以就做 以便做道塲時供佛陳設平時包好藏在屋內昨有 我時這黃坐褥等物俱係包著可見我不敢 五許滁及雙慶玉喜可以皆 |萬餘||兩之多是何居心該員惟有伏地 7/12.1 問並不敢以 廟

頭自認糊塗無可置薪復將各犯反覆究詰矢口不移 者終監候又官吏軍民人等僭用黃紫二色比照 鳳級律擬杖 婦婦 無道飾查律載几師巫自號端公師婆名色及妄稱 活佛居之不疑任五本係工匠乃因修廟圖 出家為尼輒假焼香治病為名念咒畫符頻感遠 民及官員眷 應左道隱藏圖像燒香集聚煽惑人 一卷二 百徒三年各等語此案張李氏本 屬捨銀多至數萬餘兩并被人 一種為 輒

三三五天 於擬殺但該氏旣已 畫 佞師 至哄動官員眷屬得銀數萬任五以修 賺錢膽敢假 |像播揚所致 該氏哄動遠 是張李氏假 網坐褥等物 妄稱彌勒 1/2/2011 」為尼又不剃髮復敢 神畫符燒香治 卵止 佛隱藏圖像煽惑人 號為老祖活佛實 罪 維均未便分别首從張李 |满徒不議外張李氏任 病娍錢憨眾固 假神治 臺

一説明無 贬 一法以昭懲戒張李氏長子張明德三子僧 便稍爲稽誅應請 便輕縱張明德廣月應於張李氏紋罪 百流 幫同煽惑情事但分受伊母騙 京畿爲首善之 三干里交與順天府定地發配 為奴使女玉喜給與服役 現任職官任聽伊妻)地尤 八寺 至

此于短筝 百交該旗族長嚴 完乃恣意濫費實屬妄為除兩家應繳修 妻宜特莫氏三寶之媳烏佳氏應遵 仍將解任員外即恒 遒 落 強 強 給 。 **月在京財産業經歩軍** 五城 加管束不許出門仍行文各 **地風化張李氏任五併**如城一體嚴飭官員人 統領 八等毋許縱

照追入官查該犯家産業經查抄應毋庸議許祿經管 **濟**廣等均免置 認開其衣服什物交崇文門照例 應毋庸議給與母家傾囘任五所騙銀八 辨理張李氏孀媳崔氏向住原藉訛無知情效? 了物及原藉房產亦經順天府查抄應聽順天 女 但玉喜係同伊兄黄三分賞圖思德 政其水頭舖 辦理所有張李 百兩

傳他人及招摇 研訊堅稱李氏業已病故是否属實以及李氏有 義縣五子街居住之民婦李氏傳授針扎治病之 「四峯靈應」 理以淨根株 **圆廣寺現有僧人住持毋庸更换再張李氏** 肝癌胀 民女應在 妄稱該氏為 ź, 五即 **煽惑情事應交順天府嚴查明確** 寺交僧錄司另選妥實 トをナー 立旋奉 極盛因修廟圖利起意為張 į 身價 **旭轉世惡誘** 八所供順 法

吾皖舒城縣本漢龍舒治宋時省至唐開元分合肥 鄉村愚婦不過爲圖騙錢財起見究無悖逆詞語張 (著從寬改為按 一縣置舒城隸廬州今因 梅心驛古 神畫符以燒香治病爲名惑眾斂錢固屬不法 且騙得修廟工 張李氏之 任五著照留京王大臣等所擬即行處絞至張 種種不法 刹 例應絞監候秋後處决餘依議欽 一娘八百餘兩亦應依竊賍滿貫 「皆該犯慫恿所致實爲此 之去舒城三十 此

霞登叠仙居好金碧層層福地開湧座蓮花藏世界滿 先生紀以詩云聞說靈巖佛自來虔誠膜拜陟崔嵬烟 三千五天 福疇所修對面松竹茶養峰戀前男望之煩豁胸目道 光丁未十月亭隨先師黃琴士先生過此登絕頂膽拜 逼崎嶇世路難朔風吹遣客云單征途喜近 士像也後樓三楹尤宏敞顏曰仙好鳥程鈕西辳明府 **雨新霑貝葉壇立脚:初桃原是岸置身高處不知寒愁** |楓葉護樓臺鐘魚動我皈依念|| 片名心到此灰 里許有古刹 **7 4** 11 1 區殿宇雄麗供自來佛恭 Į

司馬殺之 也濟師按左氏言晉中軍風于澤 中軍風于澤 以狥于諸侯林注風牛 翻覺我酸寒為先生 五礫之場 泗之盈掬也 風于澤亡大 例看 馬化牡相 馬 奸

解 井河" 具于查求 E 塻 南 風 時 耶此 隊 似風 不 能 在参錯 妼 はない。 風 字所 事 約束其眾故 t 月 必無紀 接三大施 正复 解 ۱ . 風字應 周申 之振 正不 六族 律 而 确 ţ 拔 之 因 灃 如 ηĵ 左旃 風 風 膔 加 然 之 平 兲 旃遺 者也等 舞写 者 月 晉 此 可 時知 風 軍

乙其說亦新 語風乎舞雩之風所見卓絕然尚有可商者杜預註 附錄李恢垣同年光廷風于澤解 風于澤何謂風字不當作牛馬牝牡 **五牛馬因風而走皆失之牛馬自屬增** 嚴觀察以左傳僖公二 週大 剝并錄于後 命固有法未戰 一證李恢垣同年 一十八年城濮之戰晉中 解爲晉中軍 誘解解如 論 軍

三千运系 **養**亦 不是 其 殺 解 風 牛馬罪不 杜註 臣妄進 復斷 誤亦 則章 刑分兩 遺 逃 茈 重 可遍 則有常刑爲證 層說也原云復 事而 須殺之以 也案僖公四年 失 不修及左非 則 此皆設 以駁劉 引費 召陵 旃指 認 之馬 1 亴 誘調 失 故 常条 有有

有車腦 馬與之爲隱尙可以說經乎鄙意以爲晉中軍先 **豈復可信且左氏於召陵一役明云風馬牛不相** 此處旣抬牛馬當一云晉中軍牛馬風于澤乃脫去 **大風亡其大旅之左旃軍中** 國証亦云馬牛

如遇風爲言似較直捷耳 三年克之 **祓就蔭乘凉固自不碍若移軍以乘凉其說雖** 之 傳也經中實字活用指不勝屈風字解如風乎舞等 之 風理自正大而有別者風字註云乘凉以並冠旣 頌 推 彼 殷 武 奮 伐 荆 楚 朱 子 集 傳 日 且 解而另云牝牡相誘是治絲而愈然有是註無是 奮伐荆楚 三盖謂此按太平御覽四夷 一一一大公二 而州出牛馬之失其失也又離 型 風

瑕整師復振遂 荆 鬼 其國近 「蠻夷西北部善車師諸國夏太康失國| 濱于賜支 方於西戎陳仁 入邦爲仇至楚武王時蠻與羅子共敗 時漸為變患聲于周代篡眾彌盛故詩日 限 年 師夷 貢至于 屬于楚漆叢又云西盖本出三苗盖姜 ノイー 一錫潛確 (舜徙之三) 危漢金城之西南羌地是 七年然後來賓至 河首縣地千里南接蜀漢徼 類書云南戀的 一、楚師 四夷背叛 The second second 蠢 爾餐

甚日鬼方北方之國亦不确上言明三維汝荆楚居國 甚店李照祚周易集解干寶且詩明三維汝荆楚居國 鬼方克之旗書 與伐而接之及殷室中衰諸戎皆叛至于武丁征西 如故蘇氏因之朱子旣採蘇氏之說而於前章又引 宗伐鬼方為卽是荆楚似未深考王伯厚援大戴 南方而背叛乎成湯之時乃氏羌遠夷之國來默來 曰商王是吾常君也此所用責楚之義女乃遠夷之 是常鄭康成箋云維女楚國近在荆州之域居中 鄉昔有成湯自彼氏羌莫敢不來享真敢不來王 卷二 後是荆楚在南鬼方在西兩不相涉明

皋是**同條共**貫事然問皋者必須按其實亦 集傳耶 家之苗裔矣所說尤舛詩地理攷亦伯厚所著其於荆 **湛甘泉曰佛氏初心軀殼起念即是苦根塵絕倫理之 艾荆及羄衍天下無敢禦何獨于荆楚之詩又信朱子** 帝繫篇陸終氏娶于鬼方氏楚世家陸終生子六人六 季連芋姓謂楚即其後以證集傳是將季連作為外 下曾引鄭氏信公與齊桓公舉義兵北當戎與狄南 湛若水鈴山堂集序

之於外一言所論猶驅設也若其鈴山堂集序 以賀公求言之篤也曰推公此念人將輕千萬里來進 一片一片巨大 泉之뛣證焉序曰嘉靖三十年三月朔旦元相大學 香對書再拜再拜復再再拜上以答公禮數之殊也亦 不肯服濟師按今之論甘泉者眾矣大要不出陽明求 誅之也今只詠其軀殼起念則彼又有無諸相之說必 關授以首簡叙之於胎水也以病廢文字十餘年矣焚 介谿嚴公以其龄山堂文集三十二卷寓甘泉子於天 11/ Oda 1 一篇非

之庫萬珍燥灼文彩奪目令人應接不暇又爽然若自 |或識其大或識其小大小||文也||道也道生天地文| **浦車段金** 道之著也語大天下莫能載焉語小天下莫能破焉故 失也乃作而颺言曰葢嘗大觀天地間文而已矣文即 哉文乎有詩不戾乎風雅漢唐矣有言不戾乎訓語詔 令矣於是心悅而神悸焉怳然如入陶朱之室問寶藏 有七雜著二十有五銘四十有三日富矣哉集乎嫺矣 以嘉言矣况受知如水者乎展而讀之凡爲賦詩古 絕句七百八十頌序記碑五十有九內制講章 ノグモニー

流之鄰鄰也昆蟲之喓喓也草木之天喬也堯之光被 点开后涨 之嘉言之洋洋孔彰也文武之丕顯丕承也皆文也然 地之持載也日月之代明也星辰之朗耀也雲漢之為 地而交觀乎人而文三才之道交而已耳天之覆幬也 四表也舜之重華煥乎其文章也禹湯之文命之聖謨 (地萬物所以覆載所以代明所以决烈所以昭章) 也風雨之潤費也雷霆之轟烈也山峙之巍巍也川 鼓耀天喬聖人所以光被所以重華所

矣介翁生而神氣以靈疏阴開豁童言宿生之事矢 既投文不在兹乎是故天地聖人文焉盡之矣知天之 維天之命於穆不已葢曰天之所以爲天也於乎不 之本也子不聞鈴山之降神乎吾於留都已形於詠歌 所以為美文王之所以為文則知鈴山之文所以為文 命洋洋孔彰所以顯承其必有所以爲之者矣詩 德之純葢曰文王之所以爲文也孔子曰文

以為華實之神之類也知木之所以為華實則知鈴 之女所以爲交突水也年將九十矣亦伏生言語支 而爲之者哉所由本根也得天之氣受地之質氣質 生生不測莫知其然之謂神故能繇根而幹而枝 時豈復有文乎哉據案隨筆書之重以報公之 而華實以參天夫華實也者文之類也根本也者所 隆也亦將以來天下之善言從水也始鞏太平之 开 6米 曰請問根本之說曰子謂參天之木果外假 **八公司** 〈莫與知然則非公之神〉 四出

於無窮而太平 有事吗 勅參贊機務國子祭酒翰林侍讀同修國史經筵講 盡之歲作此寡廉鮮恥之交宜朱竹垞太史讀之 ?例云有明文章事 下年末八 疾爲鈴山堂集叙嘉靖三十年歳在辛亥夏 及嗚乎若 1賜進士出身資政大 不意貢諛若是也黃宗義著明儒學案 老亦得以安 六甘泉生湛若水頕首謹書以鐘 、夫前南京兵部尚書 鳴 也

栗 肝 遊 珠 劉知幾史通惑經篇曰狄實滅衛因桓恥而不書河陽 (地也且明德也杜注隱其召君之闕欲以明晉之功 河陽之 河陽傅曰是會也晉侯召王以諸侯見且使王符仲 日以臣召君不可以訓故書日天王狩于河陽言非 一成文美而稱狩濬師按春秋僖二十八年天王狩 一書天子之粉顯其失地便是聚諸侯貶天 理故特稱仲尼以明之蘇氏曰明晉侯之 八卷二 墨

温設聲言朝周 之符者若全没其文無以明晉侯貪崇天子之德故書 儿圖霸業不合諸侯不足以取威不奪天子不足以正 若隱其召君則全没不書於義爲可必書天王非地 不不欲朝周者非自嫌強大而不敢也九國聚會不 **小盡當者周室既衰天子微弱晉文帥九國之師 山符諸侯往朝蘇氏之意與杜氏同特兩家所論** 亦假其失地之文欲明王狩所在 11: 國不從便損

皇見周室失統自以當保有九州見萬民碌碌獨羣羊 狩非晉文召王則舉三傳皆不足信矣桓譚新語秦始 自見杜氏明晉之功德與蘇氏明晉侯尊崇天子之 春秋之盲乎故曰非其地也且明德也委婉其辭襃貶 **既諱為天王狩河陽矣此而明正其非不幾失夫子修** 而隂是共威脅之私左氏謂非共地而又繼之以明德 北京下記記入 語者盖諷王出狩而自明其朝王之功德若曰仲尼 不能體自入微也黃東發引木訥之言以爲河陽之 1/2021

陽和風雨時各以其節不有迷錯愆伏明舜之德合於 **清**車優金 用心矣善子伊川先生之言曰晉文公欲率諸侯以朝 齊得宋蔡陳鄭各國又非晉文所可竿而驅之者不 台王之非而不見其欲朝之本心是以譎而揜其正 口而作挾天子令諸侯之舉河陽一出有以知晉交之 正也懼其不能故譎以行之召王以就焉人獨見其 烈風雷雨弗迷 **大鹅孔安國傳麓錄也納舜使大錄萬機之政隂** 卷

從司 於荒險之地而以在風霹靂試其命何異于茅山 一關法哉語謔而虐其意在駁蔡沈集傳不知蔡沈 迷錯愆伏耳東坡信史記叉截去各以其節二 孔傳陰陽和風雨時正以各有其節故無烈風雷 舜弗迷也今乃以 升庵筆記采之升庵曰今以大麓爲山麓是堯納 傳所說不圓安國盖本孔樷子孔子答宰我之 馬公東坡先生來也 吳侍耶奏疏 一人。 里 一語便 問

甯克復元兇授首四方指日蕩平普天臣民同深慶幸 弘德殿俾資省覽一 恭讀本月初三日奉 諭自古君臣安不忘危治不忘亂等因欽此方今江 持以恒汞一疏得 治甲子秋七月克復江甯捷 戸部左侍郎兼署刑部右侍郎臣吳廷棟跪奏竊臣 ノバイ 時傳抄疏稿幾於紙貴錄其原 請加 疏 敬

君心事不貴文貴其實下不從令從其所好敬為 **内外大小臣工慎始阏於無荒無怠此誠** 聖心猶戒慎恐懼不自滿假諄戒統兵大臣督撫 朝政百工之敬肆視 一無疆之福也而臣竊有虛焉萬方之治亂在 陳之夫治亂決于敬肆敬肆根於喜懼從古功成 生而騷心已伏宦寺即有 型人

感寒聰明惡忠說遠老成從前戒懼之念一 窥此喜而巧其夤緣者矣詔媚貢則柄暗 從容一人肆之於上羣小煽之於下流毒養生遺禍社 後肆侈之行一 悅之臣即有迎此喜而工 稷稽諸册史後先 下移諛佞工則主志惑夤緣巧則有小升于是受蠱 しま 喜開之方且於予智樂莫達遥獨斷 轍推原其端只因一 工,諛佞者矣屏逐之 一念之由喜 一喜敗之

持之以恒積數十年之恭儉敬養有未易培 系 下 医 跃 爲幾之餘或有一念之肆雖 **総音告戒而羣臣第奉為故事多方且視爲具文積習** 沿徒為粉條將仍安于怠惰廢縱矣是非堅定刻苦 於敬其幾必始于懼懼 脉復元氣者矣夫上行下必効內治則外安其道 一體上天好生之心必有哀矜而不忍喜者使 哭

清神(6)在 則資緣必絕凡此皆本于一 武益彰 、智愈明 節無常則不敢恃 明節常顧于目民之怨咨如聞于耳 民情可畏則不敢玩民懼柄暗竊則諂媚必 則紫磁必照懼志易蕩則諛佞必遠懼邪易 心之敬益懼在敬之始敬

籌其萬全庶幾 餘氛殘冠無難盡掃大吏知懼必竭心以圖善後灾黎 思廣益無欲速無見小一切撫綏培養之要無不次第 星心之数成而實由 育盱勤勞仍復其難其慎日與二三大臣開誠布公集 太宗身平羣勉貞觀之治軼於漢文而以驕矜致侮 **爬宗富有之大樂開子孫無疆之丕基是皆由** 2懼始也要之存亡決於敬肆敬肆根於喜 至誠無息外道化成紹 丘上

撲車 医弟 成中天之運也武王之治太保訓以玩人玩物 **歟臣不揣肩昧縮獻芻言披瀝膚陳伏乞** 帝舜之治大禹戒以無傲無慢而虞書首 一親定大亂開元之治等于上 詩曰敬之敬之天維顯思命不易哉可弗以爲承鑒 如此易傳曰危者使平滿者始傾懼以終始其要無 口敬此所以汞八百之祚也喜而肆者 聖鑒謹奏按此疏內閣發鈔後濟師適在倭 卷十十 《謂濬師曰足下今日見 如彼懼

陸宣公以來有數文字也 **王於言語動作之間用人處事之際無不以是裁之** 耶為人 **晦翁面奏之詞無以過矣相國曰子以竹翁篤守程** 故以洛間爲比耳濬師復對曰晦翁面奏劄子內云 願陛下自今以往一)忠直而今則 也則敬以克之而不使其少有凝滯推 耶果天理也則敬以擴之而不使其少有 語脫化而出特當日未聞有詔襃 念之萌則必謹而察之此爲天